



**CONVENIO DE COLABORACIÓN CO “SOCIEDAD ESTATAL CORREOS Y
TELÉGRAFOS (A83052407)” PARA A SÚA PARTICIPACIÓN NA CABALGATA DE REIS
2026. (expte.- 10579-335)**

Vigo, na data da sinatura dixital

REUNIDOS

Dunha parte, dona Patricia Rodríguez Calviño, na súa calidade de concelleira-delegada da Área de Goberno de Seguridade, Contratación, Festas e Xestión Municipal do CONCELLO DE VIGO, na representación legal do mesmo, en virtude do decreto da Alcaldía de data 20 e 28 de xuño de 2023 e modificación de data 28/6/2024.

Doutra parte, D. Jose Ángel del Río Tembras con DNI 32670010 M en representación da entidade SOCIEDAD ESTATAL DE CORREOS Y TELEGRAFOS, SA, CIF A 83052407, con domicilio social na rúa do Franco, num.4, Santiago de Compostela.

E, actuando dona Susana Gallardo Fariña, en calidade de secretaria do Goberno Local do Concello de Vigo, dando fe do acto.

Recoñecéndose mutuamente os comparecentes a plena capacidade legal necesaria para o outorgamento do presente convenio

MANIFESTAN

Primeiro.- O art. 25 da Lei 7/1985, de 2 de abril, reguladora das bases de réxime local, dispón que o Municipio, para a xestión do seus intereses e no ámbito das súas competencias, pode promover actividades e prestar os servizos públicos que contribúan a satisfacer as necesidades y aspiracións da comunidade veciñal nos termos previstos neste artigo.

Segundo.- Que a finalidade do convenio é acadar a colaboración da entidade “SOCIEDAD ESTATAL CORREOS Y TELEGRAFOS”, co Concello de Vigo no fomento de actividades socioculturais, todas elas de interese xeral, que se celebren na cidade de Vigo, no programa da Cabalgata de Reis 2026, nos termos do artigo 25 da Lei 49/2002, de 23 de decembro, de réxime fiscal das entidades sen fins lucrativos e dos incentivos fiscais ao mecenado.

Terceiro.- Que o presente convenio constitúe un convenio de colaboración empresarial en actividades de interese xeral segundo o artigo 25 da Lei 49/2002, de 23 de decembro en virtude do cal o Concello de Vigo, a cambio dunha axuda económica para a realización das actividades que efectúen en cumprimento do obxecto ou finalidade específica da entidade,

se comprometen por escrito a difundir, por calquera medio, a participación do colaborador en ditas actividades.

A difusión da participación do colaborador no marco nos convenios de colaboración definidos neste artigo non constitúe prestación de servizos polo que se atopa excluído do ámbito de aplicación da lei 40/2015, do 1 de outubro do sector.

Cuarto.- Que o Concello ten competencia para recibir achegas económicas a tenor do disposto no Texto Refundido da Lei Reguladora das Facendas Locais en concepto de ingreso de natureza non tributaria de dereito privado, e é unha das entidades beneficiaria de mecenado de conformidade co artigo 16 apartado b) da Lei 49/2002, de 23 de decembro, de réxime fiscal das entidades sen fins lucrativos e dos incentivos fiscais ao mecenado.

Quinto.- Que por tanto, o Concello e a entidade SOCIEDAD ESTATAL CORREOS Y TELEGRAFOS teñen un especial interese en colaborar na citada actividade, mediante o instrumento de Convenio de Colaboración Empresarial previsto no devandito artigo 25 de Lei 49/2002, de 23 de decembro, de réxime fiscal das entidades sen fins lucrativos e dos incentivos fiscais ao mecenado.

Por todo elo, as partes intervenientes acordan subscribir o presente convenio de Colaboración con suxeición os seguintes:

PACTOS

Primeiro.- Obxecto do convenio

O presente convenio entre o Concello de Vigo e o a entidade SOCIEDAD ESTATAL CORREOS Y TELEGRAFOS en actividades de interese xeral ten por obxecto establecer a colaboración económica da actividade CABALGATA DE REIS 2026 que terá lugar en Vigo o día 5 de xaneiro de 2026.

Co fin de acadar dito obxecto, a entidade asume o compromiso de efectuar as achegas (en especie) que se indican no terceiro pacto e o Concello a difundir a participación do colaborador, a cambio das axudas para a realización das actividades de carácter sociocultural que se pretende levar a cabo.

Segundo.- Natureza

Ambas as dúas partes declaran que o presente convenio de colaboración en proxectos ou actividades culturais de interese social ten a natureza dos previstos na Lei 49/2002, de 23 de decembro, de réxime fiscal das entidades sen fins lucrativos e dos incentivos fiscais ao mecenado e que, en ningún caso, debe considerarse que persegue os fins dos contratos de patrocinio publicitario recollidos no artigo 24 de la Lei 34/1988, de 11 de novembro, Xeral de Publicidade.

A tódolos efectos, a difusión da participación da entidade SOCIEDAD ESTATAL CORREOS Y TELEGRAFOS no marco do establecido no presente convenio non constitúe unha prestación de servizos.

Terceiro.- Compromisos das partes

A entidade SOCIEDAD ESTATAL CORREOS Y TELEGRAFOS coa sinatura do presente convenio, asume o compromiso de participar na actividade Cabalgata de Reis 2026 cunha achega en especie que consistirá na asistencia dunha animación formada por 18 carros de reparto que levarán decoración de carteas e agasallos cun total de 30 participantes (18 adultos e 12 nenos) e caramelos.

Cuarto.- Accións de difusión da colaboración

En virtude do presente convenio O CONCELLO comprométese a difundir por calquera medio a participación do colaborador nas citadas actividades e en concreto en cuñas radiofónicas, anuncios publicitarios en televisión local e información en prensa escrita.

En especial, o Concello utilizará o logotipo do colaborador en calquera soporte que sexa utilizado para difundir as actuacións proxectadas ou en fase de realización, con especial mención, no seu caso, á avaliación da achega económica de aquela.

Quinto.- Comisión de Seguimento

Ambas partes constituirán una Comisión Mixta formada por dous membros por cada unha das partes, que terá como funcións o seguimento, vixilancia e control da execución do convenio e dos compromisos asumidos polas partes. Tamén resolverá os problemas que poidan xurdir no desenvolvemento do mesmo.

Sexto.- Duración do convenio

O presente convenio entrará en vigor o día da súa sinatura, e permanecerá vixente ata a data de remate do evento.

Sétimo.- Causas de resolución do convenio

Sen prexuízo das causas legais, o presente convenio poderá ser resolto polos motivos seguintes:

- a) Por mutuo acordo das partes intervinientes.
- b) O incumprimento por calquera das partes de algunha das obrigas que se establecen neste convenio que non fora emendado nun prazo de dez días dende que se comunicase tal circunstancia á outra parte.

Oitavo.- Publicidade

Conforme ao establecido na normativa sobre transparencia, acceso á información pública e bo goberno, o presente convenio será publicado na páxina web do Concello de Vigo.

Noveno.- Protección de datos

Cada unha das partes obrigárase a cumprir coas obrigas en materia de protección de datos e acordo co previsto na Lei 39/2015 e na Lei orgánica 3/2018, de 5 de decembro, de protección de datos persoais e garantía dos dereitos dixitais

Décimo.- Propiedade intelectual

Ningunha das manifestacións que contén o presente convenio supón a cesión ou transmisión de calquera dereito da propiedade intelectual ou industrial, titularidade, nin do Colaborador nin do Concello.

O uso indebido ou para un fin distinto ao pactado no presente convenio, por algunha das partes, de calquera signo distintivo protexido polos dereitos de propiedade industrial ou intelectual, facultará á parte prexudicada para resolver o presente convenio e pedir a correspondente indemnización de danos e prexuízos a que houbese lugar.

Undécimo.- Normativa aplicable e xurisdición

O convenio de que se trata é un convenio de colaboración empresarial conforme o artigo 25 da Lei 49/2002, de 23 de decembro, e artigos 111 Texto Refundido de disposicións vixentes locais, Lei 7/85, do 2 de abril, de bases de réxime local, a Lei 39/2015, do 2 de novembro, de procedemento administrativo común, Real Decreto 500/90 de 20 de abril, como en especie. As achegas poderán cubrir a totalidade ou parte da actividade obxecto da colaboración e poderán proceder de varios colaboradores.

Duodécimo.- Resolución de controversias

Por parte do Concello de Vigo, a Xunta de Goberno Local resolverá as posibles controversias derivadas da execución ou interpretación deste convenio e a Concelleira da Área de Seguridade, Contratación, Festas e Xestión Municipal queda facultada para adoptar as medidas que contribúan ao seu cumprimento e desenvolvemento.

En proba de conformidade, ambas as partes asinan o presente convenio dixitalmente, no lugar e data que se indican.

/amg

Pola entidade SOCIEDAD ESTATAL
CORREOS Y TELEGRAFOS

Polo CONCELLO DE VIGO

O representante legal

A concelleira-delegada da Área Goberno
de Seguridade, Contratación, Festas e
Xestión Municipal

D Jose Ángel del Rio Tembras

Dna. Patricia Rodríguez Calviño

A Secretaria do Goberno Local

Susana Gallardo Fariña